

Približava se julski rok za podnošenje zahtjeva za povrat uništenih stanova u društvenoj svojini

Agencije koje su u sklopu Plana implementacije imovinskih zakona, OHR, OSCE, UNHCR, CRPC i UNMIBH, žele podsjetiti vlasnike stanova u društvenoj svojini, koji su uništeni tokom rata, da se zahtjevi za povrat ovih stanova moraju podnijeti do 1. jula 2002. god.

Ukoliko je vaš predratni stan u društvenoj svojini bio uništen i neuslovan za stanovanje na dan 4. oktobra 1999. god. u Federaciji BiH, ili 19. aprila 2000. god. u Republici Srpskoj, a vi niste ranije podnijeli zahtjev za povrat istog – sada imate priliku da to uradite. Ovo se odnosi samo na stanove koji su uništeni tokom rata, ne na stanove koji nisu bili oštećeni.

1. juli 2002. god. je rok do kada treba da podnesete zahtjev kod vašeg općinskog stambenog organa (Federacija BiH) ili OMI-ja (RS) kako biste izvršili povrat stana, bez obzira na činjenicu da li je stan još uvijek neuslovan za življenje ili ne, ili je u međuvremenu izvršena rekonstrukcija istog.